



Jol tl suenn



Idiom: Gherdëina
Meludia: Raimond Irsara
Paroles: Walter Moroder

L tëmp se n va, l pëis resta.
Ne vëije l'ëura de jì a me peté ju,
ite te n tel piz bon ciaut.
Se lascé tumé te n tel suenn bel sot
y po' mo se sentì ... dut lesier,
zënza pëis, sciche julan ncantëur.

Ie ne sènte nia plu l fonz, y l linëus che ie ntëur mé
me fej pensé de n auter viers, ne giape mei assé
canche ne sènte nia mi corp, l semea che son sën bon
de julé, aut sëura vo, duc canc.

L becher sona, sën sons descedà
y ne me ntope nia plu dant no do, daujin a mé, mi fëna,
la ie mo for te n suenn bel sot
y ie spere tan che la semieia de julé bel aut y dalonc.

Ie ne sènte nia plu l fonz, y l linëus che ie ntëur mé
me fej pensé de n auter viers, ne giape mei assé
canche ne sènte nia mi corp, l semea che son sën bon
de julé, aut sëura vo, duc canc.